

Akta bankrap dikaji semula

UM - 27/6/2022 mlb:3

Oleh OMAR ZIN

utusannews@mediamulia.com.my

KUALA LUMPUR: Akta Insolvensi 1967 akan diperhalusi semula bagi mengelakkan lebih ramai individu diisytiharkan muflis di masa akan datang.

Perdana Menteri, Datuk Seri Ismail Sabri Yaakob berkata, undang-undang itu menjadi perhatiannya setelah diumumkan sejumlah 60 peratus individu muflis di negara ini terdiri daripada golongan belia hasil Laporan Pantauan Ekonomi oleh Bank Dunia.

Ini meskipun kerajaan pernah menaikkan nilai ambang (minimum threshold) daripada RM50,000 ke RM100,000 yang berkuatkuasa sehingga 31 Ogos tahun lalu.

“Soal muflis dan kebangkrupan dalam golongan muda dan belia ini, saya juga bimbang dengan jumlah yang ada ketika ini, ia mungkin akan terus melonjak naik.

“Kerajaan pernah menaikkan threshold dan pernah menangguhkan tindakan undang-undang melibatkan kebangkrutan tetapi kini ia telah diturunkan semula, jadi saya juga bimbang.

“Oleh itu, saya akan berbilang dengan menteri undang-undang supaya kita dapat melihat semula akta ini. Saya juga akan berjumpa dengan gabenor Bank Negara untuk kita melihat dari segi undang-undang supaya ia dapat ditangguhkan



ISMAIL Sabri Yaakob (tiga dari kanan) dan Asyraf Wajdi Dusuki (dua dari kanan) bersama sebahagian pemohon yang berjaya mendapatkan pekerjaan selepas merasmikan penutupan Karnival Kerjaya Pemuda BN di WTC, Kuala Lumpur, semalam. - UTUSAN/FARIZ RUSADIO

lagi atau sebagainya,” katanya.

Beliau berkata demikian ketika menutup Karnival Kerjaya Belia anjuran Barisan Nasional (BN).

Pengumuman itu dibuat selepas Ketua Pemuda BN, Datuk Dr. Asyraf Wajdi Dusuki dalam majlis yang sama meminta kerajaan supaya mengkaji semula undang-undang berkaitan kebangkrutan.

“Pada 27 September 2021, Perdana Menteri telah mengesahkan di Parlimen bahawa seramai 10,317 individu telah diisytiharkan muflis dan 1,246 perniagaan gulung tikar sepanjang bulan Mac 2020 hingga Julai tahun lepas.

“Tapi kalau ikut statistik

hingga 31 Disember 2021 yang dikeluarkan oleh Jabatan Insolvensi, sebanyak 289,766 kes sedang ditadbir (dalam proses kebangkrutan),” katanya.

Justeru, katanya, sudah tiba masa kerajaan meminda elemen-elemen yang dianggap arkaik atau usang dan memperkenalkan elemen yang lebih progresif dan moden.

“Seperti di negara-negara Eropah termasuk Amerika Syarikat (AS), undang-undang mereka membolehkan seseorang itu diisytiharkan muflis sejourus selepas penghutang tersebut melalui proses pencairan aset untuk dibayar kepada pemiutang. Ini bermakna

baki hutang tertunggak tidak perlu dibayar oleh pemiutang.

“Tetapi di bawah akta bankrap negara ini, tiada had tempoh seseorang yang muflis untuk keluar daripada status kebangkrutan melainkan sudah melunaskan semua hutang kepada pemiutang atau mendapat pelepasan daripada ketua pengarah Jabatan Insolvensi.

“Ketiadaan had tempoh ini menyebabkan ada anak muda yang putus asa untuk meneruskan kehidupan dan menjejaskan kesihatan mental. Sebab itu, mungkin ada baiknya, Perdana Menteri mengambil kira suara hati anak muda yang diluahkan kepada kami,” katanya.